隺鳥

泉

文

鈔

成人欲為韓而不學其河火者之 後人欲為韓而己出要其所以 教韓氏文雄 北子名早 餘然則署具於答李 浙東 白文 翊

改其志與學亦無不同然予 郷 友極一時之威廣益見聞其所至予 郡鶴泉冠 自少時屡集之派 知者 高邁軼 何能 即遊松岡中間館曲阜孔 序 摩絕倫予少壮 灣泉文 資不過 服官 跡不

梅不遺餘力而鶴泉惟是本其所學會於 音之間而讀者点不能指其何篇為昌 典 心而注之手优爽昌明海然大適不屑。 與何篇為盧陵半山予潤此运鶴泉之善 學昌黎而足自名家者也且昌黎不云平 世之學韓者分刊忖度求肖於字句聲 意其他文亦将侔色揣

相 漢之中復謂富貴如 師 有筆墨誠 者其枚 鶴泉 金春園中 名 一書謂神二 必斯言皆 飄 视 有 12 風 有見 易過 交 念念 必

央 途泉 載

而 功深而收名遠哉則以手力和引為表其善學幹所時期以自第知外為表其善學幹而即古即和此為為表其善學幹而足句 聖自何策鶴賢名敢我 人家以以起

· 病者 是 中子 二 月 Ü

	陶母論	辨正許公象垣殉難事	都下 古案辨 <br< th=""><th>石鼓懸鐘辨</th><th>大觀聖作碑者</th><th>涉縣城者</th><th>勝里考</th><th>櫺屋門說</th><th>卷上</th><th>鶴泉文鈔目錄</th></br<>	石鼓懸鐘辨	大觀聖作碑者	涉縣城者	勝里考	櫺屋門說	卷上	鶴泉文鈔目錄
•										

.

聖駕四幸江浙恭紀頌一首并序集韓文 梅具八仙 論劉仁本 字易序 陝西鄉試進呈錄後序代姚何芝二鬼 文錄古意序 委羽山方石銘序集韓文 秿 孔 台州外書序 二台述異記序 杜氏釋例世族語序 氏世舒序 集韓文

松城張氏 重修技术洋金氏 漕序 贈金 樹 駉 雷 **黎府柴公壽序代** 修 顄 琴殿詩 游府六十壽序 場曹氏譜序 涉縣志序 一种柳序 王先生七十壽序 氏重修族譜序 集序

遊石門記。一步上上一步,一步一步。 **黎三娘子事** 鶴池記 蔡益齊壽序 范忠貞公祠記 公祝吳太夫人壽序

卷下 紀妖短王倫始末 伏簽記 艏橋記 重建金清橋記代李明府 萬安橋記 修涉縣廟學記 修建節孝祠記 重游任公渠記 八夕紀夢

海泉文彩 源泉文彩 東目2 答金春圃書 答友書 彭梅谷傳 王艾山先生别傳 王仁甫傅 再答黃潤川書 桂山君傳 示李生背 目錄

鳥民と少一一目像 **節婦齊氏傳 源童子馥州傳** 放湖北宜昌 洪氏節母洞 林貞女傳 巴故文林耶江西瑞金那州知州雙峰康公墓 節婦陳氏傳 姚洙楷傅 邳 登 仕耶 湖北宜昌府歸州守李公墓誌路 州雙峰康公墓誌鈴 純雷孫府君墓誌 神 知 源療先 鉛 基誌銘 山

権・男う金 慕 書東國史畧後 **普海濱市童子** 朱藤州牧陳應事實 書倪元璐題元施黨碑後 漢武梁洞堂畫像跋 孝康孔君 **跋韓文公集後集韓文** 程上舍卓亭墓碣 刻齊息園先生水道提網及 左葵詩集序 **齋墓誌銘** 代個城張祭酒 Į

萬浪之沙			·		~ / E	-15	-41		Riti	
·		-			及死保生	参修威	謝浦江戴瀛三惠茶承	里斯 丹台	陳冶仁緒六十壽序	王氏醫冶亭
八三次			1		道場所	古利磁	系滅三 虫	但山志政	华六十章	亭
	- 		•		79910	代	茶水	化人	亭	
		,								
拒 .								•		
:										
				\ \ -\					}	

鶴 当可し 櫺 心按釋文標 欄 泉 師廟之有 東 寪 太平戚學標 5 槅 檽 一鈔卷 星門說 解 þ 叉 是 共 帹 櫺星 字 屋 同 **静與樞** 如 相調 從 谷二 明 櫺 門 世 於義 口家今窗 之糧甘泉賦 而 同 四 都 不 前 您 徐鉉注 櫺 賦 有 伏棉 取乎日 是 制 眼 也 男 E. 說文 檻 故 据 用 後 為說 不 輪 竹聽 牖 軒 煺 学 而 | 第据 更 薛 問 有以上 流 而 釋文 分注 槅 可

招魂網戸朱綴刻方連些卓氏藻 (凡物有) 有櫺星門 間名星眼者古 以前以則天時石抱忠已有櫺星門外揖司兵之語 日月星辰名象非民俗 如網狀符子有堯曰余 則見朱史與服志宮殿之有標 証若標 川壇 人取義當不出此尋其稱謂自始當 得用之總之為尊者之制若武安計 曰楊星則老學卷筆記云您楊縱 之有 満星 門應門為天子尊制故 坐 門則見 可得通用謂門為橋 林言網戸以木 福 **扉之内云云** (明太 流直實 一門則 為 此 門

門崇正四年南郊科臣鍾玠奏言宜於左櫺星門幕次休之號据關里志應天府志似起明世然鍾山陵寢有櫺星 標星取疏通之義者有言標謂稱槅之透露星象次舍之 散處者皆依形立說至易體震云制因編寫撒去板障示 息是有明一代初未當獨用之先師廟也故推求其義不 師宜與天地帝王等相沿之久因為定制遍考前人有言)號据關里志應天府志似起明世然鍾 八橋槅象星惟天地帝王得用而聖廟有此見尊禮先 禪記之 意此自爲解以求合於建學立廟之肯未必 亦有是蓋偶見耳乃今則專以

施之門而古帝王宮廟陵寢之有此又何意乎故日 省長ラ金 公宮之南門兩觀關也 屋為天田星云義取養士者則必當改構為靈且何必 孔廟東南五百步有雙石闕再引春秋定二年傳注雉 孔子之宅在焉亦謂之闕黨而其証闕門也首引水經 也顧問二家說俱不能無疑顧以 關里即關黨者 下為靈星之神學宮造士之地必建廟故以名門及 闕里考 而可据者少也 分分 日知錄也云關里非即關黨者 又調即史記魯世家楊公斯等 陽門之下地即名 四書釋

則即 在全滋陽界荀子云仲尼 時所築製闕萬衆所贍制宜崇飾茅關稱號朴陋未必密 **邇公宮竹垞朱氏已疑之矣水經注之石關印靈光殿之** 關雙觀關舊跡更在其東一 國里官時亦無此稱自因漢靈光南闕而起若闕氫 **| 駁顧雉門兩觀外朝之地非孔子士庶得居孔子** 1 4/4 關門尚無確証則里與黨之因以各者益難据矣 煬至定相距幾五百年安知定 泗水縣南為孔子所生地其說較辨然顧問 關門以外地言之奚嘗定指在關 此者 周 係暫居又關里亦有一 一漢島得比而同之然 4時所失

難整指其地苐關黨之非即關里則畧有 電子文学 語書 法 以 主滋陽東北之有關黨泉此 古書佚者多矣因其始見漢書梅福傳遂謂名 好朝孔子士庶不得而居耶關里旣為聖鄉必傳之已 闕里之由 且滋陽不惟有關黨兼有陋巷必確指為 一在被烏見其必然也乃又引史記索隱 一則說益歧矣余以歴年既遠井邑遷徙 「無里紀者止數處一 元 兩觀闕 不足信其由督恭殿闞獨可臆定 出郡縣紀載庸知非好事 達老黨 固可以不紀記 互 可得而言矣論 關里關黨皆 鄕 關黨在此 正義云有 I起漢世 即陽之 附

以 質 均為未有的据則余說亦得以附存非黨間而仇顧 沙之改名涉明見漢書當春秋時無所謂沙也 島 しこシ 世有涉陀城之稱後人因疑涉自古地為晉大夫涉陀 一并牵左傳定七年齊侯術侯盟於瑣泩瑣印沙也之語 涉縣城考 孔子所居語近馬山公有關里即關黨之 齊衛 乎紀達巷紀互 11.15% 同盟之沙自在今大名元城與此無與 西 里清京村今城了 4 里之 也

省方文金 子城 一証較黎 或 有據依矣 俱 行從 稱涉或稱沙彼此牵互致誤耳 间 觀營殿御寨皆後唐莊宗伐梁時 本沙陀種當時以沙陀呼之涉城或其所築 那 因號爲沙陀城 洛磁等州竹為朱温有正當梁晉 而附會之 / 張昇竟指令縣為春秋 明邑令任澄清啄上亀詩所謂 為涉陀城者以涉本古沙 沙 縣境有唐王 唐 V 一此遺 兩 潞李克 國接境 跡

辨認髣髴見有孝弟睦爛字又睦嫻為中任鄉為下句隱 原委即志亦止稱所載大抵三舍取士法一語而已余細 學免試爲太學上舍 又有孝弟中和為上也其云上舍司成者原文係奏入 石遺文所載大 字斷落不可以句邑人雖知為古蹟口相 可讀又有上舍司成及兼中等二行等字証以偃 *媽*任邱忠和 一間既又亡其二惟 一般上 (觀聖作碑乃知云孝弟睦媚者原文係孝 為八行也云睦嫻為中任郎為| 司成以下考驗不誣申尚書名 已為人砌廢墙中碑 傳顧末明碑之 五. り 師

辰立八行取士科九月十八日資政殿學士兼侍讀鄭居 文全文具在他可曉然矣考史綴宗紀大觀元年三月日 辟靡天下郡邑偃師碑係二年六月博士李時雍奉劝墓 中奏乞以御筆八行詔盲摹刻於石立之學宮次及太學 命官也至兼中等一 蔡與否則不可知耳聞魯山亦有聖作碑盆証當時天下 寫太師蔡京題額涉立碑當亦在一年茅墓寫題額為 文乃州學上舍上等之選也是碑雖不全而偃師金石遺 一行則上連全備四行或不全一行 个知所在然則僅存者惟涉而 所聞見僅三處乃脅山神

コスニフィ

勝良嶽因為考其原委并碑文大要書以示後庶幾與邑 論秀書升遺意爲可法碑文兼係御書雖殘石余以爲重 賜叔文沙 經注證水出壽酉北石鼓山南岩下是滏山之名鼓 滏山當之 百葉州圖經鄭西有石鼓焉後人 、共珍之云 一級宗事無足取獨八行取士科原本周官六德六行 引魏都城神鉦迢遞於高巒之語謂石鼓又名神 石鼓懸鐘辨 謂山有二石如鼓南北相當故又各鼓山考 完全上 墙沙礫中遲之又久焉知不并此 八莫知所在因以武安之 J.

無象之物或難考信若鉅鼓則皆有形質可求必其象之 所擊處鐘腰之上居鐘體之正處日鉦則延固鐘體而 則余心髮之夫鼓石物 形如鼓者不 **互文心明** 二 有涉距武安百里餘俱在鄴西離縣二 謂鉦以靜之鼓以動之鉦鼓各有人而言鉦人 而後各因之而起武安令陳瀬遊鼓山嘗求所謂 非鐘鼓之鼓安得比鼓與銀而一之余以天 一物周官考工記是氏爲鐘鼓 可得則滏山之石鼓已在疑信間於神鉦 懸鐘村訊之邑人云山上有 **鉦金器其為不類甚矣詩**節 十里許亦有 一謂之 **鉦**油 八伐鼓 鼓

鐘是今邑人以為八景之 其聲之求而不惟其形之肖此所以在耳目之 乃恍然悟魏都賦所謂神鉦 有聲又有鐘形 鄴 之 (鐘呼之更不悟其為鉦 類孔韻達 在武安與涉余不敢爭而神鉅 陳君爲余言 案辨誣 **野**/ 97 11 下垂而 所 即此 小鐘者土 而世之言神 而在矣蓋 則斷 1 延者又 固

継手文剣 涉縣勢人郭太師園內有三川柳被漳冲流家人沿河踏 王象天鄴下苦案跋則涉縣寄糧 問衙門所沮若言之有餘痛者余乃益駭而疑矣臨涉相 爲其縣令語當不誣又言會申於直指批允釐正而爲承 距三百里涉水能害臨而無並其地淤於臨邑之理彼勢 縣額賦坐派臨漳額賦中二百年來相沿為民害王 何名而責之賦且考涉志及遍詢涉父老永樂間並 一幅屬 郭太師其人者推求其故蓋明藩儀衙司故有安陽 見三川柳遂指柳為涉縣柳指地曰涉縣地 柳園地後改派涉縣計地八十五頃四十七 一角 事在 局云 明永樂間

國 固彼之 釐共五百 賦本在安障二 初未改臨人曉曉不已謂涉之 しこころ 糧彼始實禍我而轉咎我之為彼禍耶數爭於 安臨自解終明代至 并非郭太師之故也 石而 、始悟浮多之 |邑乃以涉所存柳園地空糧並加徵銀 四 邑轉解趙 柳園地之 兩七錢四分五釐九毫具題仍開除與 糧凡皆明藩府之 風更至今為二邑害親王 移害於彼地涉 間趙落當挾臨漳代安 作偏與涉 (亦謂

靍泉文创 時倚勢流毒數百年之久復使吾沙橫受其誣噫可畏哉 紀載者不知者据謬撰事蹟余少採卵里舊聞補為公傳 枚 象天文現載郡志恐後▲ **沙未得實續姻戚李丈秋水宦廣西即公殉難處托訪始** 不屈於賊死距康熙二十二年太平修邑志僅三十餘 故為核其顛末如此 又得公同時至親季冰軒先生遺刻內有哭公詩題 贈按察司愈事柳州羅城知縣許公鴻儒順治八 辨正許公象垣殉難事 港出 、誤墹實有其事而涉之受誣無 正之

綏靖諸廢俱舉縣有起色壬辰西兵驟入省會告變定 將軍以公才請公随行軍中密謀公多與焉辛卯桂林旣 術皆所熟諸順治已丑以明經舉時大師未進克與两大 公亦將家子故被服儒素而於孫吳料敵及功戰防禦之 衛城濱海重地嘉靖間數有倭患其地之人多以戰功顯 下同事分方之任公得羅城携承昊同往民情未定頼公 西師之變不死於上酋其死在到縣 男五人俱週害者亦誤也公先居邑之松門松門叨季寫 即失守援絕與公同死者惟長子承昊若幼子承薦則病 **發長沙其弟重然又自沙鞏趨羅城中道先發於戚云弟** 松上 期非之任

天子命我守城城亡與亡有死法無走理蒙耻水活奇男子不 國守當是時縣兵不過百人糧亦不能支一月外無援兵賊 勸 為也城陷給賊取朝服北望 **父老嫩以忠義間出奇兵撓賊賊猛怒悉衆來攻勢迫或** 自焚州縣一 四事定仲子圭始萬里奔丧哀請贈廢葬祭得 公偕 來益泉孤城危於累別而公顧與承昊日夜督民籍完召 有している 公易服走公日 弟相率之官先後罹凶無一存者踰二年廣 時皆潰獨公猶 - / Y : 爲 **通文畧具邑志中入鄉** 拜遂罵賊死承吳亦週禍 初

與共子之友孰重世有剜肉以療親之疾者君子猶或非 傳亦可以弗存 敘仰藏之於家以俟後之修邑志任紀載者而余舊所 因為考公殉難之實而正乎其傳之就并錄冰軒詩及小 **傳稱陶侃母湛氏剪髮留賓事此不經之甚也父母之髮** 八年海冠松門被遣公諸孫族人轉遷浮庫及他處踰三)後人南英與余同里新請於上憲得奉公祀余爲之喜 年松門新氓無能言公事者懲襲傅會蓋亦有由也公 陶 切論 八監而主未久流寓江西貧寒甚廢逐縣順治

鶴泉文鈔 得賢友者也然而饌具視家有無可也有子能交友必不 之而况乃斷親之髮以爲子留賓哉爲親者未有不願子 近修黄岩志者痛訊劉仁本以元進士爲方國珍偽臣 剪髮也非髮也此知其不可從而爲之辭總之母之賢之 如還書封飾以正教其子後世其就得而識之或日母所 而剪髮子之心安乎子之友之心安乎且髮為直幾何哉 在此傳者之妄 一細事累其親友而沒其子必不貴望於飲食今班無故 范逵之不足待至謂僕從亦過所望何其誕也如母盡 論劉仁本 水水上

安輯海隅以通運道 然矣鳥得以明祖實錄朱亮和下溫州獲其即中某語 鶴泉文鈔 **今以温州路總管陞行樞密副使其爲非當時偽職昭** 誣爲臣方氏哉且仁本正忠於元者何則國珍傳所謂 其謀議者不可知而海運輸燕為仁本司其事則史有明 素朱右爲仁本撰書院記一 羽庭詩稿序亦云侯以經濟之才當艱厄之運為國家 同 正而實証何以明之方雖起氫盗犯詐反覆然數受 而省郎故朝廷官於平章丞相爲屬無君臣之分危 江行省平章及左丞相命則與偽宋偽漢竟僣號者 一卷上 稱郎中某言於行省 稱某

令不行於江浙久矣國珍何所畏而歲遣人入海胃萬 風波不測之險以輸之粟而濟其乏非仁本不忘共主 於方特以其假國名號又同縣言肯聽從勉與周旋與果 折節好交一 庚子仁本治師餘姚作雩咏亭仿蘭亭故事集名士 一趙俶以下四十二人修禊賦詩自爲敘在黃岩修杜清 義以怨恩之其得有此哉仁本述言詩云云意亦不滿 祠建學羽山干戈擾攘之際風尚如此令慶元温台數 反正為朝廷用復慮其凶暴战百姓導之招延士大夫 時名人遺老如林彬薩都剌輩咸往依焉三 困於方氏水火者亦仁本之有以 蒯 用

聖駕四幸江浙恭紀頌一首并序集韓文 天子猶以為物衆地大唯恐耳目有所不聞見一大不得其所 |徴民老幼婦女|不驚市買不變道傍見者連三大呼笑 |兢兢業業而問百姓疾苦於南方揚州之近地仍觀察其 唯知鼓舞懽忻上古未嘗有也 郡邑與官吏百姓等相見應今年稅錢徵未得者並且 同類而共識之也嗚呼明興之間從謀北伐者其為元進 工故官豈少也哉此又未必仁本所屑為已 熙化之余悲夫仁本之志不明功不著而世輒以偽 聖自即大位以來太宇之下莫不寧順百姓安樂壽考 <u>.</u>

天上聖主全然德備威武慈仁魏乎天地勤儉之聲寬大之政道 宸極至愚至陋誠未為有所損益而志切效忠作為歌詩鋪 聖明瞻望 人之作為數千百年以來未開有如此者豈不盛哉載 大聖當此之際諸生有能誦書作文詞者皆以其所能鳴 生遭 稽首以獻詞 對天之宏休垂之於無窮使天下之人知 束帶結髮擇時日以獻所謂千載 崔 [5] 三金 9 時不可逢之嘉會 張

聖恩宏大與物無私坐以無事不勞施爲歲之初吉利行四方 帝目 思 賜以繒布賞其微誠又考試之由 恩澤作為文章若奏金石 帝有恩言使勿輸賦民相扶携門灌爲賀六館之士涵泳 私曲被此邦是麻小大之官法度是東百姓何人乃動 明堂無驚無恐嶺海之畈 為泉文沙 以叶羣情遂開 泰休徵嘉瑞鳳凰芝草年穀胥熟歌於達道 傳盡艾歌詠四方萬國罔有內外休養生息無不安 然俗比

聖明在上神 天紀諸刑書於千萬年 天子明日月清炤天地開除登望之樂清閒之餘 古帝王之後封爵率不過 **說者謂聖裔奉祀始此而鮒六代孫吉又别封宋公承殷** - 餘朝經數千年之久其後裔代爲人主所尊體爵位 至今不絕嗚呼盛矣孔氏之得封自聖人八代孫謙 交信君暨九世孫鮒泰封交遍君始弟其封因先聖或 | 仕魏仕秦未可知也漢高帝過魯封鮒弟騰奉聖 孔氏世爵序 人致喜以今準古未有倫比宜定樂章奏功 5 朝或數朝而止 獨孔子匠

魏或改宗聖或改奉聖 罰自 年封鄒 曲阜令焉 宣公由是 襲爵王平帝 是無間矣後 昭儉 地 **育關內侯號褒成君然自覇以** 唐 襲文 承隋侯野 對其三 世不改共名萱及 漢 全国公共 崇 光嗣遭 和帝改褒成為褒亭魏晉宋 聖皆侯爵若公爵起 世孫均褒 以褒聖 爾純 | 昭儉者| 高紹 成侯則專奉先聖 始 聖開 間 而

鶴泉文鈔 號非子孫可襲稱特改衍聖公哲宗更而專復此稱衍 公之始也 兩衍聖公然在北者後但世曲阜令矣南宗自孙至诛 |年復封洪武即位特命班亞上相七年叉以曲阜 沈杰之請十七年又 子思祀皆異數也外有國子監學正 mj 聽 無公者優矣其 · 玠襲金又别以端操權公爵於魯於是南北· 高宗時日端友者隨南渡寓浙之衢州無嗣 衍聖公保舉族人之賢者咨授較前代兼攝 衢州置五經博士則始宏治 山

特賜衍聖公三臺銀印 世宗皇帝復增設聖廟執事官自三品至九品共四十員由行 隆典非先聖盛德後人 聖世尤其盛之盛也余獲交於先聖七十二代孫衍聖公篤齋 國 能不盡其報如前所述其驗也體遇如 朝定鼎封爵如舊 將與天地無終極而存雖聖人不以是增榮而後世自 聖公於族內邁補給予章服曠代 而望道之在天地不變也聖道不變則其子孫之封舒 書院學錄一 |人並明設 何以得此哉嗚呼由漢迄今爲代屢更 五 否

共從祖伯誠孝廉復辱從余遊先後在曲阜五年得窃窺 或諸族而本一 亦多子 孔氏全譜因詳紋其封爵顛末俾天下讀孔子書者快觀焉 年ラニる 見者有祖孫間世見者有父子祖孫世見而忽缺一代者 或先奔他國而後仍歸本國而又有雜人 秋卿大夫非公弟即公子非公孫即公族即異姓之臣 人物皆有族裔世次可稽焉然綜二百四十年之中大 補杜氏釋例世族譜序 國人物幾二千二三百人雜亂糅莒其間有父子世 孫承襲世官世禄之法具見於此故經傳所載 源或始 一族而别為氏或由本國而仕他 八混其中

族譜 題表末む | 野稱論不同數端已也杜當陽及見世才其皆釋例有世 無論焉先生嘗欲釆補令完善與長歷土 諸族皆 杜氏原書幾隱矣此本係曲阜孔葓谷先生官農部時於 **謚族圖春秋宗族名氏譜春秋名字異同錄作者紛紛**而 同各氏者混其中其難為點將條貫蓋不特稱名稱字 永樂大典內得之其例每國有敘先公次夫人次公族次 入計國二十九又小國四十四而終以古人名譜情散佚 |人如宋齊等國並飲或有譜而無敘鳥焉帝虎之訛 書附經傳集解以行而後世多未見由是演左氏 譜之原委次序如肉其與不可譜則總為雜 作治上 地名 種並梓

氏 為士師語而訂焦弱侯惠定字讀土之誤然但自論述而 成十八年傳子羽爲公子班所殺辨兩士句其字伯瑕者 胎源家學於諸經多所折証尤銳意春秋內外傳即以名 是書則核訂錯謬畧取散見孔氏正義及程公說分記所 字當從再則據楚令尹陽丐字子瑕及陸氏釋文辨士 志未行遠謝世於是長公孝廉伯誠承先志續成之伯誠 採補其缺佚不淆以他說蓋務於表章遺籍俾古人本 以官為氏非土杜字通則據晉語子與為理及班固范氏 不失而數千年以上人物族裔世次得此已可瞭然於中 類言之如辨行人子羽為公孫非七穆之子羽則據

茂飛閣渠渠南墙巨竹千梃高不能踰葬丈而缺者為 乾隆乙已七月四日序 未之見也始者讀書城南盤谷之間宅幽而勢阻草木 之於版以廣其傳則為功先賢而嘉惠後學益靡有窮 無雜亂糅莒之 **有異焉採於山未接人事不煩於絕削而自合不以雕** 見し少 石於此以 一种設鬼施層見問出方同功於造化不書於傳記 羽山方石銘序集韓交 而深日光穿漏人刀可明心間無事觀於物 相磨礲浸灌皆得 1/1/4 1 患矣顧余尤望伯 人力而後完也得石者 一誠體先人之志從而

水土之所生幸有石不能獨當也意必有地奇忠信 **感焉南方之山磅礴而鬱積巍然高** 邓 如 之工也莫與為比某水菜些其熟從而求之其何能致多 布森 英以百數羅 而孰傳之耶蔽於古而顯於今孰非天耶吾因之有 谿谷爬羅 是耶道士啞然笑曰朱嘗求之豈求之而未得耶在 水崖谷僕誠樂之既數日衙山道士率然叩吾門而來 世世多有風雨少弛循斑斑見則躍躍以喜使奴 列不 可勝數噫自藏深山歲月已久委棄泥塗 剔扶亦有可采欲以多窮之踰嶺白石齒 列而進怪怪奇奇可喜可愕熟視之匠 而大者神氣以靈

寒岩之洞廓其有容潛深伏喚維子之宮乃伐山石渾 心有慕焉志於斯石道士曰是宜錦錦以著之 之民明白純粹渾然端且厚與時俗異態吾又未見也 務使台乎孔子之道然後肆焉當共取於心而注於手 天成收之如賢延之上座日貞曜先生 所謂文者必有得乎古游之乎詩書之源沉潛乎訓義 知真似古人亦何得於今人此令之員名譽享顯榮者 とにか 以雕琢為功其交益可貴重或日有志乎古者希矣但 渾無涯龍虎變化不測蛇蛟結蟠 可喜可暢不加裝 文錄古意序集韓文 飾

皆宜速化之術如是而已不然文雖奇而不濟於用文雖 善進取者競於豪琳之中較其毫釐分寸其安能有以合 奇材前碩作氣勢信屈聱牙與時俗異態設使與夫令之 章古人有言乃類於俳優者之齡僕雖欲重累其靜竊 義所歸據數寸之管高可以釣爵位其為言也亂雜而無 懷抱利器岩駟馬駕輕車就熟路動皆中於機會以取勝 自愧捺筆欲書將下復止故甘心自絕而不悔焉無乃所 乎哲子何共愛之異也日僕雖庸愚然其所志惟在其意 工不利於水古之道不足以取於今老師宿儒資超卓之 世觀其所為文金養也華章句之短長與聲之高 一時出 的泉文少一多比上 親幸熱河臣姚梁以宗 子御極之三十 取之為一卷將試學焉不懈而及乎古此吾今之志也 爲文甚古亦不失萬一於甲科彼其得之必有以取之北 禮部或出所試文章羅列而進手披目視其中怪怪奇奇 有以取之此真僕所汲汲求者擇其一二近似者而竊 民四鄉試進呈錄後序代姚何芝二兄 一異心哉雖然天下之賢才舉 年行秋獨之典於五月中旬 八府主事軍機處行走 一省考官列名

大恩高厚消微未報茲復界以衡文重寄聞 束裝星雕與循承謙 敷奏以言禮記云事君先資其言拜自獻其**與詩**摽有 東寒微至愚至陋乾隆某年成進士 梁副翰林院編修臣福承謙往典泰省試事伏念臣 益切悚皇謹自 與會試分校三十八年五月蒙授令職行走如故 例得級

言簡末竊惟文章取上 リファイター 如額錄文恭呈 書某年補實缺着軍機處行走兩充鄉試 19 5 **拨期抵境入關矢公矢慎和衷校** 工雖坊自漢唐然虞書 閩

家菁我被樸教澤軍敷故士皆自奮為賢人 **亦必期合於聖賢之理循循法度而不敢剽竊詞句以** 明來科目得人號稱極盛我 故文章一道人品之

邓正學問之純

駁皆於是

子在自宋 蓋文以載道而言者心之聲必其人平日從容於道德 **也其三章云求我庶士迨其謂矣宛如後世試-**林沉潛於詩書之府而後出於口而筆之手者有可觀焉 超越前代誠 獲作人之化隆於上而同文之治盛於下: 章三求我無士迨其吉矣即周官 以 八君子共立言

1/10. . .

ر در 聖天子清與雅正之訓有至深久故見之詞章莫不有老成之 然迟又 樂育百有餘年膠序之中懷秀翼新追然向化人材益非 舊比場屋之文有勁直而剴以切者有清謹而修以潔者 而又誦習於 也晉有杜預唐有李泌宋有冠準張載人物之盛自皆已 某嘗稱之杜陵則張子孺之舊里也華陽則楊震之故居 何官樊川之勝其俗厚重質實易於與起而為善宋臣朱 固有由也素省居天下之 西山川秀美有龍門熊耳之 即徹而有條理奮發而有光明者蓋其地氣不尚浮華 光光上

幾接十一而得其.] 矩範焉夫以李杜之才而見遗科目以陸贄之明而幾失 一以仰副

一整正文體慎重選舉之至意他日果有經明行修功業 字有六體日象形目指事日諧聲日會意口 出河洛易畫也字亦畫也易由 炳不買其言如臣所期者是則區區所深願也夫 韓愈况愚陋如臣敢謂驟珠盡得而魚目不混然因文以 觀其學兼以求其心術性情之似險怪必斤浮誕必棄馬 至於有轉注有假借而其爲用益不窮矣余以字與易同 字易序 一卷上 造而成六爻字由 」轉注日假借

鵝泉文鈔

主

於此以爲測字先推本字至其變則此字可通於彼字本 之虫動几下爲風孝經古契之卯金刀則知古人用字以 點畫配合形體為推驗口訣幾於干字一律於古人製字 驗体告其來久矣易之占驗世人不能用而測字一法亦 武反正為之皿蟲爲蠱亥有二首六身及元命苞之土力 之謂易其理同其用無不可同也觀左氏傳所載止戈為 轉流爲江湖之術如所稱青龍白虎朱雀元武之類徒以 乙本意以及增城離合之法固未有能明之者竊嘗完心 而備六體而推之皆至於不可究詰夫字孪生者也生生 爲地兩人变一爲水說題辭之十夾一爲士考異郵

蓋前民用之一端區區謝石之學固非儒者所屑道已 與互卦反對卦是故為變無方而其用不窮於以斷天下 彼字可合於此字其錯綜麥伍一 台州外書蓋志乘之流具乎志而不全乎志故不以志名 焉耳台之志视他都善其先創之者爲宋司業陳公明代 以是為自為鄉里之書焉耳書日外者所載皆志之外非 四字亦合於陽爻陰爻皆百九十二之數因僣名曰字易 舊有志爲其內此爲其外比於古之有內外傳相輔而 一矣而成天下之務其應也如响茲獨所推凡三百八十 台州外書序 如易之有本卦有之卦

朝侍郎馮公又加修三先生皆宿德偉人通於古今故其 矣纂述之難也余才不逮前人願嘗留心卿里文獻或志書備桑梓故實於志有所考補訂正顧舛漏仍所不免甚 矣纂述之難也余才不逮前人願嘗留心卿里文獻或 漏蹖駁時亦有之所謂干盧之一 修者為方石謝公 要覽東瀛王公作赤城會通記皆於郡縣志之外别自 所未及或與志有與同有見隨手記錄然必於書確 泉文剣 隅耳無大藏書家就所睹記耳目固不能盡周其間 紀載有法論述不苟卓然可垂信於後然台於天 者於篇其徒得之里老傳說者不之信也以 一失明丹臺陀公作天台

爲卷二 **岛志中可疑者亦附見議論焉夫干百年事實無窮** 烏瓦文沙 問見有限余生諸先生後而攟拾所得如此以是知此 人人有文獻之責如謂自矜博辨宜點前人豈後生敬恭 科頭盤膝手持白團扇與二三里人 意哉 供尚多而其纸牾者即余亦不能悉正也生斯十 未夏家居無事每日移午輛展席鶴池坐樹陰面荷 **巨貴核實無可附志乘之後而爲之輔是書計** 二台述異記序 一十大抵以 19/浴上) 郡志為綱增所未備間考共得失而諸 桑梓從前 亖 風 固

異事比於東坡說鬼聽者欣然不知熱之在體也然煩疑 後雜沓凡所記載往往與史相背謬蓋先之作者粗述問 涉心自康熙甲午歲邑人修後迄今九十年未修其爲缺 與焉庶幾信而有徵不至疑予為黃布囊基姑妄言之用 作よれる 資談噱亦鄉里銷夏之 縣志未有者凡百條條注原書名三台述異記而傳聞不 復不少此皆有本顧諸君未見耳乃軍次平日所得為郡 子言**巨信子**日古來傳記所載怪怪奇奇其間係吾台事 也就甚焉抑非特缺之甚也覆視其所為志編敘無法前 修涉縣志序 1 一功也

志之 時地入北魏而**有**樂武朝之尚書唐代宗後爲澤潞方鎮 紹與之進士記叢洞有淳熙之道觀至若人物首列狐突 所據而有開成之巡幸靖康之後非復朱有而錄選舉有 變易及遭時盛衰之故灼然於心而後乃筆之無誤故作 具見數代必上下千年於有縣之源流併合歷朝之因革 而踵其前失不復致考亦無所謂討論也余以志者史之 鱧 難與作史等然歷代之史具在固作志之權與不熟 而循俗記載宜其妄也今就涉志晷言之如南北朝 縣之志即 方掌故其為書也草創焉而已繼事者稍從增益 縣之史並期於傳信又史詳本代志

軰分職採訪始終在局相與有成厥功並懋焉 潤色則余之才不足以語此弟履雜爲文固有所不敢 今涉之志既缺又誣甚余竊病之因以政暇重修篡旣俾 之典型無以考而文獻不足徵然飲猶將有起而繼之者 封邑遠指涉陀成無故牽引及轉傳會共於史書類未 鶴泉文鈔 | 《卷上 九十餘年之文獻獨有所考并前此于數百年所載事 經目者噫誣也久矣先正謝方石有言志缺則一郡一邑 耳是役也 **妄則誣誣則是非混淆真偽錯雜雖有繼者無以善其後 亦稍為是正不致顯背於史蓋於此加討論焉乃若修飾** 一切考訂之事余以身任又得孝廉李君文元

鳥見に少 乎思作三都赋人未識也因候皇甫士安士安序而歸之 矣吾所怪乎琴巖者不以求之才望赫於一時與位號通 顯足駭流俗之人而顧求之余也且琴巖不問左思已事 拙也琴巖為詩則整有名矣琴嚴望詩之有名則旣求序 者也夫而後已之作以重而名可得也甚哉琴巖礁子之 有大序小序皆後聖賢推論作者之意而為之言而今之 人不待後之推論有所作必亟逐乎求人之序之而序又 10% Ē

詩琴巖不欲名則已琴巖而欲名此予所以駭且怪也 豈無若士安與約者琴嚴宜其效太冲彦和踵門來之詩 庶幾乎名琴嚴來京師五月矣獨終日閉戸吟哦不蝦要 京師大矣八文所萃薦紳先生所聚才望之隆位號之顯 念可藉以重者無如沈約乃候約車前約序其書以傳今 寸心古人難之僕豈敢遽以是質於當世卿大夫仰卿大 人之庭未嘗一 思名遂顯梁有劉勰者撰文心雕龍十卷於時勰未有名 大樂汲引後進齒牙类情恐亦無益於其實幸而可以得 丁曰子之說然矣僕之意異是今夫詩之為道微矣得失 至然且手一州顧余日子亭吾詩子亭吾

鶴泉文砂 辭也琴巖之詩胎息子三百篇意態恬靜不務為雕琢工 安必不通關然與共興日藉子之序以名吾詩則子之才 变之深無過於子古人云後世誰相知定吾文者是僕所 子之集有所爲卿大夫貴人為之片者然而不脛而走士 **望位號為之而謂僕以此而重子耶余慚且感而卒無以** 巧之詞亦自以爲拙以余推論世之有詩名者殆無以過 以汲汲求耳抑子勉之子之才望異日安必不赫然位號 患不自立謂附青雲而益顯此亦未必然也今世與僕相 免立馬廐中可耻孰甚焉且子以詩名海內久矣吾未見 一寒素儒生無故日夕當路之門或不得通即未 一彩松上 芙

章安金仲柳善奕者也少有名余害聞之今十年餘矣適 某者故所業亦止於此昔奕秋名在通國而某所業僅勝 來謁余言自幼好奕台之奕者獨某為有名然以不得勝 突 変 高 於 於白是以心歉然常不能以自足也且夫奕雖小技猶之 者又常苦求勝己之人而不得也英與學皆然也 贈金仲柳序 州而不得勝巳者爲偶則高止於一 鄉而不得勝已者為友則優止於一鄉而已 州

言之余以爲八于者善則歸親春秋之法爲親者諱宋華 求之於古所造將有不可量者此尚友之義也吾將以吾 學之道進金子之奕 世之為譜多務跨陳其先功德與族姓中善事而於行之 以能名天下者其書具在也金子以其不自足之心進 子又自言將遊 可鄙者則禪而不道紀載不實非臧否可信之書識者羞 一一個所業艱於貴而不得遂可謂有志者矣雖然古之 聘會稱先臣得罪殤公名在諸侯之策君子譏其無故 樹場曹氏譜序

其餘寥寥而無可紀者必其非賢者也則一 **惡與曉然於積累之非易昌熾之有由是亦足矣顧必取** 先世之美而頌揚惟恐不至蓋亦情理所當然也且家譜 序傳餘如韋孟之賦在鄒靈運之述祖德凡皆津津於其 福身这金 與國史異史期於垂法萬世故善惡各著其迹譜則獨其 厥先過惡 有說焉譜於善者稱頌之惡者畧舉其各雖使後世不 子孫守之而獨其子孫傳之俾其子孫得知世美而生其 而揚先惡而司馬遷作史記歷敘其先代班固做之而 過而有賢子孫於此見賢者如此乎其可嘉可述也 一名上 而詳書之不亦傷仁人孝子之心乎抑 詳暑間而臧 聞

鵬泉文鈔 豈以其揚善諱過有私於親為不足信今而傳後乎然則 法某當戒哉隋唐之間有專門為濟學者宋則推廬陵歐 好古不為流俗陂邪之行非徒以簪笏相繼為能克光其 從道君皇帝徒北瀕於九死卒能崎嶇即命奉梓宮南還 陽氏眉山蘇氏二譜此皆出其家子孫之手而至今重之 乃身自歸老於台忠孝大節麟炳史册至其元孫子孟公 否已於是乎在何必如史之顯示以某為善来為惡東當 一譜為未可議也吾鄉曹氏自宋忠靖公勲起家勛胄 時其世德固已燃矣而其子孫數百年來一皆愛素 郡城遷澤國迄明而有叔直公者以軍功躋顯秩名 一卷上

之可傳者而於宗人一言一行之善一 先世故譜之可紀者獨多凡曹氏之譜創於起霖公踵之 **台某君叉從而繼之其世次近故能於昭穆行列遠近以** 者為氓安公松嚴公齊安公敬菴公並間數十年而一 及死生婚葬之事言之悉其人皆才而明故能推述先德 曹氏之為惡者蓋寡焉初吾卿與曹氏俱稱盛族者有鄭 不始為溢美之詞至其例之紀善不紀惡猶前志耳抑亦 凡之

完盛不俟

觀

商

而

知

奏

兩

吾

尤

原

為

曹

氏

子

系

者

被 日昌日熾歷五六百年之久繩繩不已斷乎其未有也曹 **何毛个惟曹氏繁焉祖德之不深繼美之無賢而欲其後** 皆道其所可道而

避禍隱姓遠仇如疏之改束奚之改嵇者非其家子孫世 安帝父名慶改慶爲賀史傳所載比比皆是児復有遭亂 當讀聞見後錄文彦博本姓敬其曾大父避石晉高祖諱 於氏牒者無窮而後之繁盛益未有艾此繼修是譜者之 姓氏壓復屢改因思古來避諱如漢明帝名莊改莊爲嚴 避諱各用其 念祖考勿替修德為其譜之可書不為其不可書則為**光** 更姓文至漢復故姓人朱避羁祖諱又為文復言初敬氏 志而亦余同里之所厚望也與 水洋金氏譜序 偏或為文或為荷一 家之中百年之間而

别金氏茀能明其宗之所自來與其上世輾轉更易之故 家同自漢以來姓氏不復分實則令人所云姓皆氏而已 姓因生以賜不可移氏則或以地或以官或以字不嫌於 不忘艱難勤思續述且使兩族世世婚姻不逼則氏金固 避亂仍爲金子孫因之不改其變易再四髣髴與文潞公 肅王諱也至南宋苦北兵當事者以金為諱復姓劉元末 浦金氏本唐節度河中劉沔後其孫致為統軍副使從討 鶴泉文鈔 世傳說且賢而知其源則數傳後有貿然味所自出矣雲 平董昌錢氏據杭州珱不樂仕避居台南始改姓金以武 異於其氏劉也雲浦舊隸黃岩州繼析入太平金氏占 一一一一一一一

當時有積穀鍾金趙之謡然富而好禮勤習儒業文人碩 籍後似續繁行分為七派世以黃雄於卿與邑諸大族将 能溯其源委而言之不盡文又自萬歷至今幾二百年支 分派别僅据草譜未經續修舅氏平川北園二公懼族之 南閻章恭議朝鳳皆余祖老姑所出今子又余甥世言金 不收而人漸不有其宗且至數典而忘祖也於是以書來 女多生貴子為不誣矣渭陽之情不在乘黃所有二百年 不標日余宗雖世無顯宦碩恒出貴甥若洞山黃尚書箱 一往往輩出焉洪永間用嘉公嘗死程成趣葉拙詞 兩修宗譜萬歷時名伯護者復續成之於金劉互易暑

當時易劉爲金者不止即使一 未修譜子為我增葺使族屬親疎以辨昭穆遠近以敘上 鹤泉文鈔 **磾後本祭天金人之義一為漢世祖微時避白水村取卯** 明金之自出有三一為少昊金天氏後一為漢太傅金日 月而譜成將復於舅氏因憶前此為部瀆金氏敘譜系推 輿地志稱錢武肅王諱鏐劉家為金家留住為駐住又見 金之意易劉爲金金劉之爲一姓久矣雲浦之金胎息河 **慢墜共家聲即吾宗藉子有光矣標惶悚受命凡數閱** 千年之世系源流以明人人知念祖德而無敢為不肖 劉其推本白水與否未可知顧改姓之意當亦由

晋 滿連 本支重 皂隸公卿起於曆販貴賤自取豈有種乎後世不務令德 島毛こり 以光先業至乃菲夷宗親盜竊名字用地望相誇示吁 遷明父談之業說者謂圖譜胚胎於此究觀周官小史英 |世所譏游||吉亢宗君子斯美行葦之睦兄弟葛藟之庇 根可不務與人本乎祖若水之源范氏述豢龍之裔史 懷姓九宗殷民七族非特殷盛 |辨昭穆之文所從來遠矣魏晉以降益重 姻同穴輿臺之鬼所以見彈於沈約也然變卻降爲 松城張氏重修族譜序 同氣為能聯以恩誼至雖人遠不散也子山背族 河公上 時為國毗賴亦見篤 盖 門索此王

凌替會倡鄭冠轉從星散盖川谷尚有遷變豈况入事而 指揮捍禦邊海澤流後昆始亦異人矣哉傳至數葉乃稍 等之封而次韓公亦會天隙投命真主雖勲業未能方舊 怪也松城之張起自次韓公至正心末龍與江左於時若 就湮又其族人或在黃或在太占籍既人類不可併一公 誦之戸灰余所聞知如健亭乘鑾二公騰聲覺序是皆一 御与了五金 一光 時之雋加念祖之情發於真性常悼後嗣之弗顯前功之 無與廢獨其子孫身在蓬蘭志慶詩書來戟之門更號粒 中山開平之屬並攀鱗附尾騰踔風雲用百戰之勞膺上

鶴泉文沙 屬高門降衡厮庶莫辨而一本之戚有塗人之嘆於是相 近犁然不亂觀其敘說始終離合之間三致意焉仁者之 繼爲譜上溯次韓公迄於本代先大宗後旁支使親疎遠 氏先無宗祠春秋各祀於家至其九世孫靜波先生嘅然 乃以餘力畢志於譜猶前志也而緻密有加焉當洪武時 重本也宗祠不建無以棲先靈合兄弟生平介介獨爲此 謂族人曰士大夫家得立廟古制也君子當宮室先宗廟 以世秩守松城者凡十八姓今惟張氏歸然盛且能世世 耳泉是其藏爱擇諸爽塏期日鳩工楷崇室遂不費而堅 言藹如於斯可見殆與夫世之泛爲譜者不同日語矣張 紀卷上 茎

理乎固其理乎 採頹落散徙流移向之所謂富貴豪侈者盡化為荆棘系 方以孤身從天台來爲外黃富人贅壻寄人雜下瞻仰鼻 李氏與焉當鄭之盛也貴者仕朝廷富者豪羽里甲第連 用恩誼相聯綴以勢則消不旋踵以德則後莫與京固其 雲亭臺高時子弟皆朱輪丹戰無徒步者而李氏厥 余卿族之盛者舊莫如鄭氏其先自五代占籍於此追宋 此其一盛一衰形勢相懸何啻萬萬顧不久而鄭氏子 澤庫李氏譜序 (繁衍環村前後數里皆鄭也明以後其族頓衷而

鵯泉文纱 其勢或習用奢侈遊廢而不知檢或縱任意氣凌虐 蟬聯不絕卓然為東南望族遠近知澤庫有李而不復 衰也必有所以衰其盛也必有所以盛蓋貴家大族 有鄭嗚呼樂卻之家降為皂隸而陳敬仲以羁旅之臣婚 **衰者忽以盛天道往復古今類然豈獨鄭李二姓乎要其** 齊懿氏卒應鳳皇之兆五世之後莫之與京盛者忽以衰 怨) 奚勤且儉其教子弟也加循而謹故先無赫赫之 此於理皆足以致敗若寒微孤姓兢 以大余 彩纶上 / 寢熾寖昌 閥李氏譜自厥 門上 旭而 兢自守其持 Ĕ 丽 狃

黨今之修譜者承化君又中表弟兄也甚賢而明因其譜 與大仕隱婚嫁卒葬之有考則乃譜皆然又或前序已 成求序為著其先之自衰而盛并後之所以終保其盛者 道之不常於其先世致盛之理思之不忘而惴惴乎以鄭 或亦自有以致此不關氣數也抑余尤願李氏後入念天 嘆其先世積累至盛良非偶然由李所以盛而推鄭之衰 皆務本業循理道上下輯睦出入謙讓雍雍然詩禮之 而歸之蓋戚屬之誼不欲為浮詞若譜之明遠近別親疎 乙衰為戒庶盛者得長保其盛而不至於衰李於余為母

聖駕南巡江 管然將 大緞貂皮荷苞等物益感奮任職常以 楊起た少 無東南卑鄙佻薄之習故能奮身任事 其人也公安邑人氣度雄偉技出人 日處變故而不驚得衆情之悅服若我太協然府柴公 古奇偉非常之人多出西北以其山 所器旋舉武進士改 (千總職効力運城營承辦兆大將軍凱旋兵差為 **黎府柴公壽序** 兩遇 浙委辦差務踴躍勤勉 等選浙江 不恤勞瘁前後蒙 ハ羣英年 處州營守備歷任 心跡光明可失 雄特土 中本省武 i i 風渟 置

朝百數 朝廷設兵駐守以防未然不於平時嚴戢則驕不於先事加 第 ラン金 卷吟哦 練 佛 藝每為他營冠公雖起武科有儒者風在營無事 則情故其馭下常寬而 來 稱 十年來雖疆宇敉寧無 司重懲之一 日緝盗除奸靖安 太四 不輟接 至其疾惡之嚴則義忿之色勃然徵見於眉宇 習且太境松 鄙 紳士 頗息竊 月之 門隘 以禮尤虔事神 問匪人敏迹至村厖不吠在太歲 百姓吾分內事也於是督兵役 盗坊里兒多有為 頑等處皆濱海 用法凛然人不敢犯教習弓 敢跳 朔望茹素軍中有老 刀而走戟者而武備 地方害者公 即

受而有不知感者哉某開有盛德於百姓者福澤必大 武毅公繼 新河之人堂其至如堂慈父母凡公言無不 以終始帖然無他患實公之大有造於我也昔 任候掣功各有 憲 光以 | 拠薦 無知者開導之務於至誠感動臨事不見聲色 振家聲皆必然之理今十二月之十四已公五 副帥督兵平海倭駐新河數月於時 而 四署副總戌印 新 河 日顯之勢兩 現秦 兩冰公羚 孫階前 全蓋 王立 公於善 (而合) 有 明戚 敷

國家資其屏障百姓蒙其威德太之人誠有不能 常人可至而 志節. 際海宇承平百六十年 報者而新 鶴泉文鈔 河 行事 公祝余新河 內 以見公雄材厚德實鍾西北 史書所載豐功偉暑號稱名將往往皆其地之人 雷游府六十壽序 用武地界衛孟間 河 人益不可以後因相率製錦障并為文詳 光 方更可知已 來稀見兵革武健之臣無所用 川雄偉發為 氣所為 人物多奇傑有 菫 不感激 切

國家而垂名竹帛者蓋猶盛於他處如余所識遠翁電君 守備乾隆十二年從征金川以功擢 英偉之才會其智勇以効命 明圖黎將父某公復由衛輝符守備四十 破 誦 上づしてこと 君自幼開 回積首 行間奉 陽穀陷堂邑數日之內聚泉數千人 杜牧累代功勲昭世光之句會山左逆匪王 一君累世皆讀書而用武縣自其和某公以彰德營 功超任北直都司固己聲施薪藉稱穰苴門 調從征於然日此吾樹勲時也於時倫起壽 祖父論臨敵制變之事留心韜鈴嘗慨然自 W/25.11 八勢張甚豫 四年 Ę 蘭州征 偷變起 張 覔

投壺雅歌彬彬有儒者風叉以問訪黎陽白馬之跡策 易叉連射殪殺數人數上首功事定由隊長擢把總界官 宿与ブル 余敘因為交代躋堂之 至游府之任數年地方寧謐督撫以君世將深器重而 並震君從 恬熙不獲以豐功偉晷自見而其抱貧足顯於國而光 家寧非其地山川雄偉之氣之所鍾耶君之子與余善 用兵得失見之議論多可觀然則君誠名將才特以 駠 將才也今歲某月君六十一級辰將製屏為壽 其帥堵勦持丈二受先衆人陷陣所向賊皆辟 王先生七十壽序 是 **祝且志執鞭忻慕之意焉** 時

青巖韓 文學 學標 問 各家吾師則精大小戴禮然皆兼通諸經旁及詩古文 少韓樓先生五歲平日問學自為師友韓樓先生以尚書 故命 比長知讀書乃得因先生以從吾師駉一 皆當世巨儒而為學標家學源流之所出憶學標效時 該治為時冠又至行淳篤孝友天性有鄭均毛義之 先王父亦崖公與韓樓先生為詩酒交每推重先生學 又身受業於韓樓先生之季弟駉 人品皆在先生上於時學標侍 樓王先生於學標為太先生 家君事先生 而先生則數推其季弟駉一 家君 家君側已點識於 一先生之門二 先生學吾 所嘗 莙 師事 先生 風

|萬壽充思貢於今七月某日補舉七旬之觴棣募 譽隆起 派别 矍鑠如壯時而吾師亦以壬午會 緡在黃以孝行著嗣後入孝友祠者凡五人家風雍睦聲 後無毫髮間蓋南隅王氏本宋忠懿王後自十二 無不覽究所為交叉各有心得不屑屑於面貌之似要其 |韓樓先生當時有二 日年壯氣盛彼此各不相下丙辰帥學使至韓樓先 间 源未始不同吾師嘗爲學標言音與韓樓先生在 固有自來也韓樓先生某歲登明經選八十老 吾師第二其明年鄧公來則第一為吾師而第 |難之目顧二先生同氣之愛實先 堂並 世祖各

壽叉推 鳥
浸
て
少 分學標 吾師 美語云道隆者 福至德盛者後目不其然與學 標才識為 之厚尤不容以或恝故因登堂祝嘏而縷述之旣為吾 高名亭上壽而且玉樹蘭芬兩家交為輝映誠當世所嘆 下不及中人幸吾師諄諄教誨於今稍有成立而所得於 訓者又實本韓樓先生之教蓋愚父子兩世之學英非 一世矣竊自惟先河後海所學不敢忘本而世代交誼 蔡益齋壽序 家兄弟之學然自 又與吾師令嗣竹雲世兄為至好上下交游蓋 家君意為韓樓先生 / skill 先王父已交韓樓先生而至 進 觴是亦師所樂也 Ē 師

顯武博五子又皆有名聲於時其學者所稱春山先生則 與其猶子承奉郎瑞剏置書屋市書五千卷教族子弟名 **盛哀而名賢之後歷數千百年必間出才德之人能紹其** 鄉黨間為葉正郎敬之所稱許大抵世數旣遠 蔡氏藏書樓而武博鎬之父待時與武博兩世交以名德 里之尹氏數傳而族以繁有石菴居士生宋時富而好施 蔡姓在邑為最古其先出晉侍中謨後唐中和問贅白 石菴之後人茂才子與也情後世志乘缺畧不能詳載蔡 余聞明之中葉蔡之裔猶有一名恕者左圖右史恂恂 人物而其宗自元明來亦日凌替故家文獻無可考者 美三金 族不能無

國 初黃守卷龍本武博後以德行重鄉族壽至百有四齡 世不知何時自白山徙驚嶼碩兩地相距僅三數里耳 先世之遺風今又於益齋老人見之矣老人 司譚公題請建人瑞坊於邑皇華亭之右由斯以談蔡 山之蔡無復人而驚嶼族頗盛老人又為 名德之顯不逮上世而富而能施積書以訓子弟有舊家 而壽之修德無不報而旣精於醫則平日於陰陽自 壯時也抑余開蔡之族又别為黃 矩範兼精岐黃術於人多所全濟夫能壽人者天亦從 居飲食自順節叉所不持言宜老人之年踰七衰變錄 - s J 4 & 7 族之望雖其 、蔡之别族 三し 調熨

罹泉文剑 雖衰於昔不可謂無人使異日得從事志乘余將效葉 爲老人祝者更欲以守菴之壽壽之也 **숵李秋九月堅後三日為方伯吳公母唐太夫人誕降之** 即之於恕附紀老人於編以著其善承先世之美而私心 方伯率子若姪進士州倅君輩綵服索簿跪獻堂下太 ·若孫俱已成立能讀書取科第隷名仕籍而汝尤 欣然語方伯曰余邀天之眷行年八十而齒髮不衷 公祝吳太夫人壽序 知膺方面重寄顧余不喜汝之位望通顯而喜汝 **老上**

命攝中丞事甫二十年而方伯又由翰林學士 任開歸道自泉而藩進攝撫篆勲業 進養之所即少宰公開府之地太夫人所嘗與子女嬉笑 遊息其問者天中風物俯仰前後光景如新固宜其身之 以無恐其為中丞也不數月間百廢修舉惟時太夫 樂居於此而心之怡然以悅也始少宰公之視河兩河 之人也蓋昔方伯尊人少宰公起家甲科由部即出牧 楚敡歷內外府陞至河帥瀕大河南北數十州縣皆少宰 公所治中間復被 乙克繼先業兩世並建節中州又皆有恩德以及於此 相踵並在豫省今方伯

移見に沙

是名上

人之時時舉少宰公以為最也競額手稱頌顧太夫人之 深居不與外事而早夜佐少宰公籌畫以成偉業舉少宰 **宰公之政且推少宰公意以教方伯俾此州之人世世蒙** 其親無不至而以承太夫人教克繼少毕公之業而澤及 皆親見之常以述於方伯方伯承教惟謹以故其治豫務 德者為至故某等從其大者至者書之至如太夫人之裔 循少宰公之德而人之碩方伯也益思少宰公且聞太夫 享有萬年眉壽未有艾以長居吾豫也凡方伯所以孝養 公所以施德於豫人與豫人所以感頭少字必者太夫人 州者為大即太夫人淑慎節儉何德不備而以贊成少

褒封 子孫蘭玉羅拜 出 貴叠受 堂 則海 丙所共見而松柏之颈岡陵之

视 庫 又僚屬侑觴之常例豈足爲太夫、人述哉 東嶽 數歲痲奉 厚東嶽神 祠香火最盛以三月二十 會 神出遊謂之迎會先期洞前 八日為神誕村 演齣 陳 設

遠近 犯 尺許 物净街道坊巷處處結絲棚歡門備香案以俟神過 藪 自 十里拜香投罪者 手 持 到 銀 小 1000元 銷 几每行三步則以首叩几 鎖或閥 全浦 衣赭甚 而集拜香者一 兩 而拜 1 、接作 手 投罪者若 柄 香

於是

間

鶴泉文鈔 避彰善瘅惡等字次儀仗旗幟有負弓弩者腰箭者執 行次即數人負牌出牌書泰山青府奉天出巡暨肅靜 者持鐙棒者竿上懸豹尾者其矛戟刀斧皆綴五色結 大書斬犯 八並先自 往來鞭趨於前後名曰巡綽以禁人錯行失隊并囂 擊鐃鼓共聲震耳又有上下窄青衣腓繫鈴行則 鐸其旗皆畫龍或虎或雲采或山河有高三五丈者 風舉日映如是者數百人作數隊行每隊鳴鑼者 毎旗數對間以微其微或重簷或三簷五色絢 一、卷上 報聽派撥不待招而至焉至會日拜香者先 名某皆向例有之不為怪其願充會中執 [JE

擠過是有高超計不下百十輩皆以足縛木行能跳跳 烏泉文彰 設欄楯施網綵 蘭子枝戲也繼之聞鑼鳴則臺閣至矣其製以木爲方座 不使人見故觀者但覺其躡空而立有矛頭淅米 或二丈餘遇險仄 **文公踏雪行一持蓋隨後扮湘子者手執拂倚蓋上蓋** 橋起半空 一危為驚心咋舌而童子方恬然啖果餌或竟鼾鼾然作 扮故事如裝遊月宮則結帛作圓圈天師在下擲巾成 (鐵梗屈曲令童子上坐用綿褁縛之外單以衣或雜絲 明皇躡其巔裝雪擁藍關則下兩重子 松台上 | 座二十人舁之上下兩層用五六歲童 一人持竹前曳住則坐人屋上始即古 旦 劍頭炊 一為韓

肩跳 然後有地行故事結束肖象大抵採小說中事 有扮仙女五彩珠衣雲袂飘舉若許飛瓊董雙成追侍於 十八將梅山七聖水滸三十六天是類其扮神 睡翁也凡會以是角勝貧各堡 山老母者神鬼之屬則擇身品魁偉者金介胄裝 一豹皮 扇魚鼓或長劍繋葫蘆若鍾雕權張果呂岩之屬叉 肥短者綠袍靴簡裝判官長身而瘦者披髮弓眉 兩 足 一持牌扇裝地方鬼其餘面塗青綠戴面具金睛 狀貌禪惡裝牛頭阿旁者始不可勝數復有 錦繡裝 **硬鬼巾褁或雙了著雜色牛臂圍肚** 極技巧相誇示臺 蹟如雲 仙 則鵜 門神 畫

鶴泉文鈔 其跨馬武 者陸續來兼隱隱聞炮聲知神駕已起行矣神 寬袍拽播街市 抵各依本色服其尤發桑者一老儒粉鬚眉高帽銀 十六行自官府士商農夫桑婦以及市井雜 冠二 復顧事之褻也如是約又數百人行數里許始 僧 乘法駕紗燈前導旁遊宮|易昇者計|百數四中貴夾持 駕前侍從 尼犯姦狀用長枷連釘之五伯驅以行意 臣皆扮錦 四旒青衮龍服中單朱舄純玉佩 一卷上 臣皆扮絳袍皂緣方心曲領隨官品執 間 手展破書高吟點頭若得意或又為 額或兜鍪身上 流無不同 四 三 是 如古帝者 見投 日版 圖快 頂衣

諧 辦 呵 銀 前 司祗應 艫 則本 擁 殿之音振動林 面 衫 過 香 綵 如 前 刑者數 亭繼 前萬泉伏地 勇婦 祠 熏 短 氣 豪 後 所奉東平王世傳為張維 馥 服飾 敷 皆羅 打甲背 郁樂部細奏道旁飲息寂 十人持禁牌或介 純漆色係境內雄鎮廟神繼 人凡數童子執旛數童子捧盤數童子 不能 拜因 子皆膀劍足靴 不敢 則 拘 神駕過矣自侵晨至午後人海 更引頸悚仄以竢神將至先有 仰視 例先神至者為周章一 但見曲柄繡繖 而引馬或騎 陽也儀仗旗幟畧 切帶 不開聲 器械軍校 可須臾騎, 蓝 熟揚空 而鼓吹有 面獠 際 帥

台吉繼封順義王孫之黃台吉死子撦力克嗣復以 韃靼 三 娘子本俺 各外 孫 女美麗 有 資性 通番 漢字 俺 荅 駒泉大ツ **焉亳和墨為述梗概惜良友遠宦無從** 記之余語而未服以作今歲鄉中復為此舉追憶前語乃 **與進士黃君文徵觀會路橋君語余何不饭昌黎敘畫法** 靡於斯為極然太平勝事亦古人所嘆為難得也余前年 為第三子把漢那吉聘為婦已而自室焉俺荅死長子黃 **闹填溢看場北起新橋南抵星濱舟楫鱗次新粧豔服** 映四澤墜珥遺簪往往而有一 敘三娘子事 村台上 日之費幾數千金風俗浮 郵政之 名

國 一朝海寧查初白有題三娘子圖詩首章香燈小姓戲前因 嘗密圖其像獻之於朝故有風流邊將壽蛾眉之語皆當 齊合掌讓他 時實事特明史言是襖兒都司女而葉向高谷應泰二家 數娘子尤承觸也三章美其通貢受賜四章以獨石中軍 蓋其俗與漢烏孫不異而一女子选事數主年逾五十雜 又謂先受聘於襖兒都可俺荅強納之初白詩序亦主 云云以娘子嘗禮佛求再生至中土也次章云百八摩尼 内主之力 **皮三少亦夏姬類也然頗知尊中國明季貢市通好多其 顆佛頭珠黃台吉納婦一百八人象戒**

子震悼 **福忠貞予特** 義於塞堅盟不渝俾隆萬數十年 身繊鼻細 金田 マンコンドラ 錫號為忠順夫人 康熙十 五年故 說 孔雀尾而帶紅巾於頸秀麗中隱挾雄科丈夫氣獨其慕)則傅 祀公焉公諱承謨以元勲子由翰林歷副都御史膺 **范忠貞公祠** 記 聞 祠 口衣綵貂裘摊虎皮褥坐胡床首纏藍帛雙 不無互異耳今行聖公家有其像余借觀之 M W/2/12 福建總督螺山范公殉耿逆之難於是 閩浙舊屬及所嘗巡歷地 不其懿與 西鄙得以休息选膺殊 让上 類無不有祠

世 命出無 祖章皇帝入燕京時方議定賦交肅公以國本在民天下新 國愛民所至詢問疾苦而務燠休之如吾太邑邊海塗田積 超泉文金 承勲选 定 **纍纍矣頼** 公至特疏題請遂得與平 陽寧海等縣宿逋 **荒逋賦至五萬有奇民之寃號沉痛於追比因而寬亡** 時並免至今父老言其事有感且泣下者蓋公之德之人 人深矣始公父大學士文肅公順治元年從 專取萬歷間老額定正供兆姓享無窮之利公弟尚 即當為萬年經久計啟正兩朝亂制不足法因盡匿 兩浙年不過三十顧盡心為 任方面仁風厚澤流布於大江南北及六韶 一一卷上

朝特生此 朝鐵嶺范氏之盛者也太邑之有忠貞洞歷百年棟字如新 國家長享於無極嗚呼獨吾太邑當報公也哉 間事具詳國史蓋自古國家之與必有異才若周召者起 過者皆敬焉而碑記未具余恐世人徒以死節為公重 澤出自一家父子兄弟如我 鹤泉文鈔 書公勲績以見天眷 佐其君綏靖四方於斯民有大利賴之事然未有功名德 邑侯鄧公之請記遂述公當日所以撫浙并及大學士 輔其施及百姓而宜世世祀者亦與 家數賢為 《卷上 哭 因

哨 **佘屢客魯城又奔走京師皆逕東省不一至泰山城事 今八月初决計往遊抵泰安一日陰雨且甚見山** 有名自一天門二 壁 水昨雨為有助矣上朱真宗駐蹕處觀飛瀑歷對松 蓬起旋被山影寓居民矮屋中足不能踰闕又惴惴焉 麓 不得遊使是天露乃雖然以喜尾眉與斗折蛇行 故 即聞水聲摐擊稍進益肆與松聲相雜泰山多石 遊泰山記 鹧崗齒 |松皆出石罅攢蹙怪詭而秦時五大夫 天門至此委折二十餘里歘見 險疑不可上者南天門也輿 四 綫界 初至 也

處海影浮白太虛之雲變幻異態或上而或下凡物英與 其餘盡羅拜膝下去地尺許陰齊陽魯襟帶河濟東南盡 **躒階快若** 為玉皇 汗浹背而不敢稍動躋此始平坦碧霞宮嶽祠在焉絶 **事製欠沙 — 聚 6 上** 往過其實矣聞山後黃華洞石經谷境最勝絕則余是日 [開元摩厓碑蘇頰東封頌而沒字碑尤怪瑋莫測所以 如 振策此為大快山 鄭樹木 類千百年物又多古石刻 **嗣旁時乾坤亭陟亭四望惟徂徠一山畧齊腰** 傲來丈 雲掣而余蕩身空際擊膽在手下視 俯 視耳目之前無復障則視遠而所歷若益高 人日觀月觀諸峯水簾朝陽諸洞談者 目蛇蛇然 膂

無姿 登覽問適謂不負此遊用記之以釋前城其有未盡俟異 不及至焉兩後天氣薄凉萬里鮮翳果日旣懸空翠猶 於 置 日再至云 杜子美訪張氏隱居處又當與劉九法曹鄭瑕邱態 經所載石門凡數處曲阜之石門在城東北五十里許 ラッノタ 鮮禽魚之趣獨幽谷盤互藏破寺屋數問門前水駛 以其為名賢所遊歷不 徑則沙礫刺抵而不可以步樑奔蒙密無奇花異木 遊石門記 **有聲潔然耳旣僻且** L V 陋屍非 可以不往往則山皆磋确 所欲至不知古

相與觀焉居民鮮少草木蒸茂地盆高山盆峻隕狄所家 蜿蜒蜒首尾相繼不絕有瑰瑋絕特之稱過是都者闡 浙水東七州吾州之山水名天下考之傳記八九百里蜿 於石門無取而至者常鮮為之記以俟 不見可欲故常欲得人跡不到之地而居之惟恐其不僻 取屢至而樂之繼而思之古人之志期於耳目屏棄: 虎豹之虞終莫幸而至焉赤箭青芝丹砂石英鐘乳云 之有無也若人人所欲至古人未必至矣世無子美**遣**宜 陋愈僻陋愈可喜其意之所托有以自適而不在乎景 11 11 17 台 山満圖記集韓文 W. J. 18

雄泉文多 皆曲極其妙却立而視之見山水厓谷鳥獸慌惚畢出 之名材其水上之所生不能徧觀而盡識也余少時嘗有 有為浮屠之說者多藝而善遊衣破衣聚麻鞋而自肆於 志於茲事不能奔走願莫之遂居闎處獨時往來余懷也 者奧者 者突然成邱昭者其土谷窪者為池角者吾知其為牛噓 一灼灼 水間又圖其跡測其高下次其道途所經小壽共 ĮĮĮ 問焉皆有楷字注字處某水某近某樹 吾知其為犬豕豺狼麋鹿指山而問焉指山之一 明矣始得此書意甚惜之然吾聞浮屠人入三蜀 洞庭南走八千里至閩南兩越之界上入谿谷 無巨細熟 覛

鶴泉文鈔 洪本傳洪未嘗至浙東世傳洪為勾漏令其實 絶 羅浮勾漏亦未至由是觀之率附會難信而是 焉豈不快哉 四來至澤國陡然而住厓壁峭幔下視耽耽如虎然勢雄 岩石 循山之麓 丹灶尚存是山之重以仙故其說自宋來有之按晉書 人事而摸得之其江山之好登望之樂竊寄目償所 山崖土 極幽遐瑰能之 一人卷上 一倶赤異他山故名或日晉葛洪於此煉丹 記 觀術業有事攻荷可以寓其知 松篁夾徑蔽密不見衣影 冤 山蜿蜒 廣 願

其勝故記之如此 洪之嘗至丹崖與否可弗論也余日家其下而有以得乎 頹 與山色 聲經絕出石鏬境又幽甚陟其巓而望遠近雞籠 則名夫物之卓卓者類必有可觀不待藉而顯其待藉 察耳目曠然也既雄且 者或未必有可觀之實然則山誠佳即無仙未始不名 連欣賞而不置而遊者踵相接也世之談者謂山有 指顧歷歷東極滄海帆檣如庥隱約出没於波濤浩 鶴池記 相輝映固宜山之有聞於世而爲縣人墨客之 幽登覽復曠而朝霞夕烟叠 鳳城諸

翼也 島

良

に

少 潔之性同其意思閒遠皆與烟霞為徒非天趣自然翛 無故而云也泰山之址有白鶴泉昔者鶴嘗集焉此爲直 懸出者若鶴之殷 **有鹅矣吾鄉鶴池以形取池約大數畝余家其上** ·得其為鶴者造物以鍾之人以其似而名之所謂類之 為頂皓月澄波光色鮮濯橫吹忽來意若軒翥無在 般物以命者必取於其類或類而類或不類而類皆 水潴於地鶴則戾天一 折而上 外者不能賞又同是則不類之類也類者以 一者為頸稍前而銳者為喙岸木以為羽高阜 **7**38.1 細狹者若稿之足斜而舒於左者鶴有 高而一下一 動而 E 見其 静然光 然

無似似者各耳則類也而毋乃大不類旣為池記即以 或者疑有取於此雖然余汨沒於塵埃者也於鶴與水皆 漽 不類者以德類由是以論雖不有真鶴可也余自號鶴 國故有雙橋今莫知所在而假山橋歸然獨峙於地之 蓋宋鄭氏築若其西官塘並無橋往來惟以舟通 萬安橋記 人景詩稱官塘競渡是也宋以後始為橋雖東西 而高不敢與假 乃改爲圈 山橋抗自後比修皆循書迹乾隆 洞三視假山橋規制倍之而 鄭

勝古 **变無片石便行旅蓋以** 計成橋之易其事力數倍令人且暮夜 地也八世矣族繁以盛成進士者數人仕外者 於 盤礴數百 計渡之非便顧止於東隅築 M 自山以東 而常不若古人計慮之違方朱 為 室 如 里 **爬者官塘帶** 至 开 虹跨經年而工 右強 崕 路皆平壤沃衍 阿然 調 吾郷地 西北 水耳萬物之 而住壁立千仭 假山橋 |脈自| 始成余以 下無障 餘東南恒不足 紹 風 永 理當制其 嘉 而迤 熙 雨爭舟有 È 一个人 西水 間 西水陸 、鄭氏 兣 怼 耽 所

鶴泉文鈔 山橋之築以應東井扶其所不勝也在不足故也其西之 不為橋以右強有餘稍用制其所勝也蓋此非必形家之 之意而以此致其视也鄉人請交勒石余旣為書其與 懼頗信余言而謀所以鎮安之余爲易橋之舊名官 將成之月而陳氏為燼其明年 百年來雖稍以橋易渡猶師其意於制不甚高今乃特 儒者理固有之惟前人知之而後人不敢違故自元 而聳之苟取快觀而不顧其勢之凌已甚吾恐右之 而處其左者將有所不安也先是地百年無灾於火者 悉上 鄭氏以東隅無山取橋名假山而余則循 柳氏又繼之於是鄉

跨港亘百餘丈又為通邑鎖鑰非特居民商賈之頼以濟 事當計之於遠無動爭勝前人也 俾刻之矣因更記所以名橋之故私藏於家以見後人於 太邑境濱海湖流出入以金清為門戸故净應寺前有橋 計繼任有志與築計貲巨萬未遑舉也余以金清地四達 也橋旣去海邇奔濤澎湃日夕從而震撼之率不數十年 们壞壞則修復視他處為難余自泰順遷守是邑橋之斷 一歲事之歲月下椿奠石之工費與夫率捐重役之姓氏 數年往來籍浮橋以渡蓋前令蘇君連舟架板為一 重建金清橋記代李明府 時

蒸道 龍泉文學 秀屏蟹上舍金松筠葵若珫陳維揚僧修祖竭力捐修及 橋廢闔邑水口氣 兩岸室處聚列千百佔客航海而來者輻輳於斯風雨之 而憚父老言橋 勢之 時潮汝之衝擊區區藉浮橋為久計非便民事也且 金諸君之殫力於此亦已為澤無窮矣今橋石之隨流 沒者乃無 ΪĒ 賢等重 初為潮所醫李君又與學博金君芳達及若 險急 構以李君 可知矣幸而毀不至甚故得以旋圯旋復而 存白波淺游故址幾湮其勢較前為甚 **坦於康熙四十七年颶風** 往而不守所關尤鉅雖成之難不 一身而 兩見風濤迅疾柱推椿腐 州司馬李君 · 琉維

島限に少 紳士之老成者又 李金諸君者事必無濟因公議得類曾金文鑑蔡豹文皆 繼先業又其素志然也於是兩日與工分道勸輸出 金文禧者數人 簿輪直 加急則精石之下尤難郊邑 堅緻數倍前日可數百年無壞蓋余本為 以時陽二年而役以竣凡道出是橋者皆以為 能體余意 瀾不驚且此然為東南水口局鑰者其功並 一得少年有幹暑如李成章金保民蔡繼 而成章即李司馬孫保民為學博長嗣 不情對費不辭勞動力成此舉使 間 非更得悉心任勞 星

利 船明季恭将戚繼光備倭松海所用三等船福船 捕 宿・スコン全 是 船乘勢下壓如車碾螳螂無不煙破然制大下水深惟 尺運掉便快雖無風可動無膠淺之患可徑逼賊船 用矣耆船 大洋無風不可使敗升 漁用船入海遇賊嘗戰勝俱言其適用遂應官役為兵 **艦即营山船之大者营山屬太平去松門港甚踵居** 三色之中又此為利又云 己福船高大如城海滄視福船暑相等倭船最小 艫 僑 詑 1 水面上高不過五尺就加竹木棚架亦不過 人裏海沿淺而行則二船 風動勢順則滄不如 海滄及

藥弩及一 色隨本哨其船大篷一扇小篷 如倉若風小勢逆則福不如滄滄不如蒼嘉靖間倭冤 其地之老不能知亍因詳記之為防海者告非獨 枝邊櫓八枝舵二門椗二門自大佛郎機鳥銃噴筒灰鑵 突焱忽率駕輕舠乘潮登岸抄掠豈能俟大船順風張帆 海須寧靜民循碩威南塘功不衰至問所謂蒼山船雖居 不至如開浪網船之小但備採哨不可以戰者三百年 逐之洋面哉紀効新書載凡蒼山船一 名椗手繚手各一名甲長三名兵夫三十名旗幟方 切鈎鐮砍刀攻禦之具真不許備蓋得中之 一扇遮暘篷八扇大櫓 隻捕盗

堺煮亦不爛惟正在三伏內晒者兩翅相交過頭其魚甚 福泉文剑 **書聞而已** 秋釣有伏衛其出有母窟有石塘有松門早夏未至伏者 口伏鰲名重天下珠之 釣得魚不更用網衛大而片甚薄翅散而不交食之無 中有爲余具饒者鰲甚美語余云此物出君鄉里君亦 其爺翅交不過頭珠鹹而靱無香過伏者為秋釣漁 其辨乎余日辨之何如試言之主人日台衛有早 不知食而蘇杭間 伏鰲記 人重價購之以供上客庚子秋余在)美者無以踰之然其真佳者 歪 香台 夏有

鶴泉文鈔一、卷上 夢見天下之至 **味而有識之士於**千里之外安坐而享珍 庸俗寡識雖有至美不之貴而孳夢焉惟賤之求又或頗 松門者其魚則寶絲潭之魚也其水則三井之水也此雖 終身末 凡 衛 秋 釣 早 夏 為 下 此 獨 行 君 鄉 里 以 其 直 賤 也 吾 吳 人 (黑白以真為價於是囓腐齒腥果腹鮑魚之肆畢生 鄉里辨之者蓋寥寥矣余聞主人言而媳之因嘆海 世窟石塘諸處簽皆冒松門色美易售然甘香終不及 脂多而色不變以為羹清白而香味之甘淡盆 必伏然以能捐重價故常得真佳者而君淨里人或 一食食者皆秋釣早夏也再伏鰲以産松門者爲 悲

時爼豆舉行釋奠徒具交馬耳烏在其為真知聖人而尊 非徒示體制凡以教天下知有聖道而誦法之也顧州縣 之間區區與鄉里為市嗚呼獨緣也哉 名有學而試問學之中有春誦夏絃如太師所詔者乎有 與即物之真且佳者亦多願王他處而不肯爭價於下 勉為六德六行如司徒所教者乎然則學固虛設而即歲 天下州縣皆有學學皆有廟以祀 哉夫士不務學不知誦法聖人而亟亟焉廟學之崇誠 修涉縣廟學記 為教然余讀城關之詩說者謂子於達由學物

翁創立學舍於成都市中尊祀 務有經數十年之久任其廢敗而不修者可嘅也涉小邑 敬 之廢弛而濟濟多士克廣德心脅碩歸美泮宮之作漢 得有司之激厲而振興之頃年廟學漸以頹廢余來涖茲 耳在古固殷圻內地流風善政存焉戰國又嘗入魏與聞 圖七十子之像於石室吏民爭求為學官弟子由是 以正人心端學術蓋教之本即於是乎在碩乃視為末 **衣冠禮樂稱盛學修而後士有所歸廟新而後民知所** 河上子之教其地瘠而民知向義本易於為善特 ニート W/W. (1 上号

殿明倫堂東西兩無淨賢名宦諸祠以及諸生 次第經理擇老成一二人董之肇工於嘉慶四年冬月至 捐貲爲倡 與復之是余責也乃與學博問君縣佐嚴君謀於邑士 王號制詞碑吊其遺跡太息人之以爲何昔盛而今衰其 御泉文針 次年八月而役竣於民無擾事不費而學之 燦然殊觀焉爰進邑士而告之曰凡余之 是務將效古之崇四術與三 大觀御製碑及元時加封 而餘量力以助自 物而邑人 規模廟之 從事於廟學 一肄業之

盛世承核樸 聖天子崇 聖漢商煌與殿宇丹碧夜為輝映萬泉仰瞻咸 作人之化而又有長吏之 御書聖集大成扁額頒示天下學宮使者適至余率神 與者乎甫落成而我 朝服皷吹迎入敬謹懸掛 載不可逢之嘉會益感而奮并欲余為文勒石以垂不 余謂聖道者萬世所宗而學校人才所自出多士幸生 聖門 師重道教育多士於是舉增榮為一縣交明之兆十 且登其堂見禮器車服之 一勒率宜何如自勉他日經明行修 盛而獨無叛 謂 2

學宮前右 俗垂美方來所關非細故也顧向之為洞僅數楹積外風 鶴泉文鈔 祭有司行禮 之修為不虚巴是為記 為聖人之徒令人嘆文翁化蜀之美於茲再見也庶廟學 以其學於聖賢者出為世用而在鄉黨亦循循規矩不 縣故有節孝洞在 **雨侵蝕垣塘颓圯神無所栖靈無所妥過者竊傷之**日 夏余前 修建節孝祠記 側遇 卷上 得附祀分享所以慰貞魂而彰閩德風厲

學 廟獎內外亦多損落於是與儒 展 謁 食以及古來節烈之 而思 呵 利益至 爾見] 俎 貢生之 畢集莫不謂宜 已任焉夫學校者士之所從出也 豆之 所以報其不情 亦惟 兩無毀於積霖 宜 於 母段氏 惑於 **业岩婦女則非所責也且** 則更以節孝祠 而真生康君 一晃僧道 祀 厥費鼎 則 削 學周 **以與彼** 新 說性 公典史嚴君重謀建 紀堂毅然山貲為通 久 圯 士 祀是 無與將勒之 世 漬 事. 即 切修造 有有 脈 所 耳 修

廟學然 學成於衆而節孝 於 **美兼為邑之好義者勸也已** 里今觀此率而其平日之賢而知義益信節孝嗣本 所以教誨其子者尤至故貢生能克世其家而 謂難矣縣八言貢生母事貢生父知州公最謹 多。 切家政悉任之而德配某亭其成比 不待動而院然私出已 公渠記 積以 、成美舉如頁生之 郑州公捐 取重

业 少少 侵 過 引 今思之余讀史記河渠書及漢書溝洫志記 侍其所治小耳設處其大亦必能為西 是 潭溉鄴事並 言河內為富今任所稅僅在 漳 黿 西故 业 <u>.</u> + 渠 雍 正 先是附郭之 坼 水人 . 有渠 頃其為利甚微然均為 田村人更 恦 ř 渠 此 (W) x t. 五年嘗疏潛迄今七十餘年 環城十餘里黍苗尤尤 屈 道 曲 從他道挑治淺流涓滴若續若 流 田常岩旱及任公為此渠起七 經城北山是清泉灌 公渠明萬 用漳溉田為後 歷問邑令任公澄清 如故邑人食其德 渠道 H 迁進 . 豹史起 西門豹 一漸於 世历 門計 週亢順 原山 利 E 事. 旭 或 他 所 E

余余因問視故道俾從舊開濟凡半月而渠復更以共力 謂任公渠者已各在而實失矣今年夏 餘引水自北闊入城穿泮池入衙舍蓋皆任公之造蹟 刀月記 北關辨者以